

Ustanovljen Forum za partnerstvo u oblasti pravosuđa

Prvi sastanak nedavno ustanovljenog **Foruma za partnerstvo u oblasti pravosuđa** održan je jučer u Sarajevu. Ovaj inauguralni sastanak koordinirala je Nezavisna sudska komisija, a među sudionicima su se nalazili članovi raznih zakonodavnih tijela, ministarstava i pravosuđa. Sastanku su prisustvovali predstavnici Doma naroda Federacije i Narodne skupštine Republike Srpske, zamjenik ministra civilnih poslova i komunikacija, ministri pravosuđa oba entiteta i predsjednici udruženja sudija i tužilaca iz oba entiteta.

Cilj ovog Foruma je da okupi sve uticajne faktore iz oblasti sudske reforme u cijeloj zemlji. "Partnerstvo između domaćih i međunarodnih institucija biće od suštinske važnosti kako bi Bosna i Hercegovina mogla provesti sve potrebne sudske i pravne reforme prije no što se u potpunosti integrira u Evropu", rekla je Rakel Surlien, direktor Nezavisne sudske komisije. "Ovaj Forum je dobar početak takvog partnerstva."

Diskusija vođena na sastanku pokrila je širok raspon pitanja vezanih za sudsku reformu, uključujući ispunjenje uvjeta za prijem u Vijeće Evrope, koordiniranje strategije vezane za sudsku reformu i te pitanja o tome kako postići neovisno i objektivno sudstvo. Učesnici su se složili da je potrebno uložiti obimne i hitne napore da bi se uradio posao koji je neophodan za postizanje pomenutih ciljeva, i za izgradnju javnog povjerenja u pravosuđe, kojeg trenutno nema. Uspostavljanje vladavine zakona putem efikasnog pravosuđa jedan je od osnovnih elemenata za razvoj Bosne i Hercegovine i za uspjeh reformi u drugim sektorima kao što je ekonomija i

povratak izbjeglica.

Forum je zaključio da vlade na državnom i entitetskim nivoim trebaju usko surađivati na sudskoj reformi te osiguranti da javnost bude informirana o ovom procesu.

Članovi Foruma su se dogovorili da se ponovo sastanu u sljedećoj godini.